



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

1 d Albinus Bischoff zû Andegauis.

urn:nbn:de:hbz:466:1-41449

Martius

Värliche Bedächt-
nuß vnd Geburtstäg der Außer-
wöhlten lieben Heyligen Gottes/ im
Martio oder Merzen.

d Calendis Martij.

Der I. Tag im Merzen.

Anno Dñi
268.

In Rom ist heut der Tag / der
heyligen zwey hundert vnd sechzig
Marterer / so vnder dem Tyranni-
schen Kayser Claudio vmb Christi
Namen vmbkommen. Nach dem sie
hetten Sand graben / warden sie zu
Rom vor der Porten Salaria auff einem Schawplatz/
von den Kriegsknechten mit Pseulen zu töd geschossen/
vnd ihre Leiber in ein Feur geworffen. Als solches ge-
schah / haben der heyligen Marius vnd seine Sün (von
welchem oben am 20. Tag Jenners) vil lieber auß dem
Feur gezogen / vnd begraben / die andern aber seind vom
Feur verzöhret worden.

Anno Dñi
740.

Item zu Andegauis des heyligen Bischoffs vnd
Beichtigers Albini / welcher vom Geschlecht Edel / vnd
auff einem Münch zum Bischoff erwöhlet / in Wercken
vnd Wunderzaichen herlich / auch die Todten auffer-
weckt / vnd ein mal alle gefangne frey vnd ledig ließ.
Verschied im 80. Jar seines alters.

Item

Item in der Statt Masilia der heyligen Hermes-
tis/ Leonis vnnnd Adriani / welche vnder den blätgri-
gen Kaysern Diocleriano vnd Maximiano / durch den
zeitlichen Tod / das ewige Leben in Christo gewonnen
haben.

Item in der Statt Carthago in Africa/ des heyl-
igen Marterers Donati vnnnd anderer vierzehnen / die
vnder dem Herzog Bisatio vnd dem Richter Marcel-
lino/ vmb Christi willen enthaupt seind worden.

Item in der Statt Antinoum des heyligen Mar-
terers Leonidis.

Item zu Alexandria des heyligen Marterers
Leonidis/ so ein natürlicher Vatter des hochberühmb-
ten Lehrers Digenis gewesen / vnnnd vnder der ver-
folgung des Kayfers Seueri gefangen worden / der
durch gemeltes seines Sohns Trostbrieff gesterckt / den
Abgöttern nit opffern wolt / vnnnd darumb enthauptet/
auch von den Christen zu Alexandria begraben ist wor-
den.

Item des heyligen Meneuensischen Erzbischoffs
vnd Beichtigers Dauids/ der 146. Jar alt / vnnnd im
leben fürtestlich gewesen. Anno Dñi
550.

Item in Perger Landschafft/ in der Kayserlichen
Statt Werda / der Geburtstag des H. Schwitberti/
Bischoffs daselbst vnd Beichtigers / zur zeit des heylt-
gen Willibrordi Bischoffs zu Tricht geweyhet / der
Gottes Wort den Heyden prediget/ vnnnd von dem Kö-
nig Pipino / ein bleibend ort in der Insel des Rheins er-
langet/ daselbst er ein Kloster bauet/ darinnen er ein gar
mehrigs/ keusches leben führet. Anno Dñi
700.

Item zu Perugia in Welschland / vnder der Go-
then König Totila / das leyden des heyligen Bischoffs
vnd

Martius

vnd Martirers Herculani / welcher hernach am 7. tag Wintermonats auch gefest wirdt.

Item das Fest der H. Engel vnnnd Hüter / aller vnd jetwederer Menschen.

e vj. Nonas Martij.

Der II. Tag im Merzen.

Zu Rom / ist heut der Tag der heyligen Martirer Jouini vnnnd Basilei / welche vnder den Tyrannischen Kaysern Galieno vnd Valeriano vmb Christi Namen gelidten / vnd mit dem Schwert getödt seind worden.

Anno Dñi
260.

Item auch zu Rom / viler heyligen Martirer / deren zahl nit gefunden wirdt / von dem blätgrigen Kayser Alexandro / nach vilen peinen vnnnd plagen enthauptet.

Anno Dñi
230.

Item noch der heyligen Secundole / Januarie / Pauli vnd Heracli.

Item selige gedächtnuß des heyligen Martirers Caroli / Grafen inn Flandern / der zu Burgis in der Thümbkirchen bey Sanct Donatiano rühlet / war ein Sohn des Königs Canuti / auch ein Martirer.

Item viler heyligen Martirer / so auß vierhundert gefangenen seligklich gelidten / vnnnd mit dem Schwert getödt seind worden / dieweil sie nach dem befehl der Gottlosen Longobarder / nit wolten ein Gaiskopff mit Teuffelischer Abgötterey anbetten / wie Sanct Gregorius bezeuget.

Lib. 3. Dialog.

Item